

MELIRIK LANGIT KOTA

Sketsa
Travelog
Bersih 3.0

Editor
Riduan Mohamad Nor



143
EL

PERDANA
LEADERSHIP
FOUNDATION
YAYASAN
KEPIMPINAN
PERDANA



PERDANA
LEADERSHIP
FOUNDATION
YAYASAN
KEPIMPINAN
PERDANA

Melirik Langit Kota



PUSTAKA PERDANA



1009646

Jundi Resources / 2012

PERDANA
LEADERSHIP
FOUNDATION
YAYASAN
KEPIMPINAN
PERDANA



ISBN: 978-967-5968-28-0

Cetakan pertama Mei 2012

Hak cipta terpelihara. Mana-mana bahagian penerbitan ini tidak boleh dihasilkan semula, disimpan dalam sistem simpanan kekal, atau dipindahkan dalam sebarang cara sama ada elektronik, sawatan, salinan foto, mekanik, rakaman dan sebagainya tanpa terlebih dahulu mendapatkan izin bertulis daripada penerbit.

Editor: Hasmariza Md Hashim

Layout: Ainuls Graphics

Kaver: Mohad Hafiz Abdul Shukor

Diterbitkan oleh:

JUNDI Resources (1706325-w)

No. 6, lot 2576, Lorong Padang
Balang 8,

Padang Balang,

51100 Kuala Lumpur.

Tel: 019-372 8844, 017-205 5183

emel: akhi_karim@yahoo.com

Dicetak oleh:

Vinlin Press Sdn. Bhd.

No. 2, Jalan Meranti Permai 1,
Meranti Permai Industrial Park,

Batu 15, Jalan Puchong,

47100 Puchong, Selangor.

emel: ctp.vinlin@gmail.com

SENARAI KANDUNGAN

Pengantar Penerbit

Bersih 3.0: Mulanya Hambar, Penyudahnya Panas!

Riduan Mohamad Nor 1

Bersih 3.0: PRU 13 Mungkin Dianjak Lagi

Subky Latif 13

Bersih 3.0 Jauh Lebih Besar

Abdul Shukor Haron 17

Bersih 3.0: Aman Tanpa Provokasi

Nasruddin at-Tantawi 23

Ending yang Menyedihkan

Ahmad Lutfi Othman 29

PAS Masih Gagal Dekati Polis

Subky Latif 36

Sorotan Himpunan Duduk Bantah Bersih 3.0

Harakahdaily 41

Ini Baju Kuning, Tangkap!

Prof. Dr. Abdul Aziz Bari 55



Malunya Media di Malaysia Dibanding Negara Kuku Besi

Harakahdaily 62

Suhakam: Tindakan Polis

Tidak Boleh Diterima Sama Sekali

Malaysiakini 65

Pak Samad Rakam Kehampaan dalam Puisi

Malaysiakini 70

Peguam Dakwa Diserang Polis di Perhimpunan Bersih

Harakahdaily 72

ABIM Ucap Tahniah atas Kejayaan Bersih

Harakahdaily 75

Kisah Semalam: Bertemu Janji dengan Cik Bersih 3.0

Siti Fatimah Umar 78

Bersih 3.0: Kebangkitan Suara Rakyat

Rostina Jakla 98

Apa Agenda Sebenar Bersih 3.0?

Muhammad Faisal Abdul Aziz 105

Warkah buat Saudaraku Anggota Polis

Prof. Madya Dr. Mohd Asri Zainul Abidin 113

Catatan Bersih 3.0

Hasbi Muda



Bersih 3.0: Bagaimana Polis Israel dan Rakyat Palestin	
Fazrin Jamal	128
Laporan Pemerhatian Himpunan Bersih 3.0	
Mohd. Abd. Rashid bin Yah	135
UMNO's Perfect Game Plan	
Amran Ariffin	139
Bersih 3.0: Antara Provokasi dan Kebersamaan dalam Perjuangan	
Muhammad Fadhlullah bin Ismail	148
Travelog Bersih 3.0	
Nur Hidayah Jaafar	159
Bersih 3.0: Suara Anak Bangsa Malaysia	
Amir Bani Salim	174
Dari Terengganu ke Bersih 3.0	
Khairol Azli Mohamad	202
Bersih 10.0 pun Ambe Sedia!	
Muhammad Marwan M. Shukriman	217

PENGANTAR PENERBIT

Alhamdulillah, segala puji kita panjatkan kepada Tuhan, penggenggam buana yang telah memberikan kepada kita dengan nikmat Iman dan nikmat Islam. Selawat buat junjungan ar-Rasul SAW yang telah menunjukkan kepada kita keteladanan yang mulia di jalan dakwah. Baginda adalah tokoh perubahan yang mendobrak kegelapan dan kezaliman jahiliyah, seterusnya melakar sebuah ketamadunan serta menjadi cerminan mulia kepada ummah, segunung contoh kepada insan yang melanjutkan usaha menegakkan agama Allah SWT. Tidak lupa kepada seluruh para pejuang yang telah memahat sejarah dengan kubangan darah, lelehan keringat dan air mata demi menyediakan bumi yang indah untuk kita sedut udaranya.

Travelog BERSIH 3.0 ini diluncurkan kepada khalayak pembaca untuk terus menyahut permintaan ramai yang mahukan drama 28 April 2012 dituang di atas

lembaran kertas supaya mampu diwariskan untuk generasi akan datang. Ramai penulis sama ada yang profesional atau amatir yang terlibat dalam naskhah bersejarah ini dan juga pemotret yang turut menyumbang karya mereka. Pihak kami memohon maaf jika tidak sempat secara profesional mengeluarkan surat perjanjian dan hakmilik kepada setiap penyumbang tetapi JUNDI akan menitip hadiah untuk semua penyumbang. Semuanya begitu tergesa-gesa kerana anak muda yang sentiasa mendesak untuk melihat naskhah ini muncul di pasaran.

Melihat serangan arus media perdana yang begitu sekali menggebu dan pembodohan massa yang begitu sekali merancak maka dorongan teman-teman telah menggoda kami untuk menerbitkan buku ini. Siapa pun merasa benci dengan propaganda yang bersalut penipuan, tiada yang gembira melihat fakta ditutup rapi dan kisah sebelah pihak. Era langit terbuka ini, penguasa wajib melayan rakyat secara saksama, menghargai akal sihat manusia apatah lagi dengan kelompok kelas menengah yang semakin membesar.

Naskhah yang anda tatap ini juga bertujuan meluaskan ufuk pembacaan generasi muda di negara ini, untuk apa sebuah harga pengorbanan yang ditunjukkan dalam bantahan awam paling sengit di negara ini yang terakam di langit sejarah. Bodohlah jika berjuang tanpa sebab dan alasan yang kukuh, maka matlamat para demonstran ini wajar diketahui oleh semua rakyat. Benarkah yang berhimpun untuk menghalalkan murtad, LGBT, merimbun fahaman liberal?

BERSIH 3.0 merupakan satu kempen besar-besaran 84 NGO untuk menuntut pemulihan demokrasi yang sedang rabak di negara ini yang tenat setanding Zimbabwe dan Myanmar. Hatta Myanmar sekalipun benteng junta tentera

semakin tembus, skrin TV mereka mula menayangkan heroin demokrasi negara itu untuk meluahkan ekspresi akal. Bantahan awam ini semenjak awal lagi dimomok sebagai rancangan untuk menggulingkan kerajaan secara revolusi, maka tindakan keras daripada pihak keselamatan tak terjangkau dek akal seolah Malaysia di ambang peperangan. Khutbah jumaat di beberapa buah negeri telah berkempen secara halus untuk menakutkan orang ramai supaya tidak hadir ke perhimpunan ini.

Sangat melucukan politik tanah air dua minggu sebelum berlangsungnya Bersih 3.0, pelbagai kenyataan dungu memercik daripada mulut tokoh-tokoh penting negara. Cuma polis agak cermat kali ini diawal sketsa untuk mempromosikan BERSIH dan tugas ini diambil alih oleh DBKL. Menarik lagi Dataran Merdeka menjadi tapak anak muda kampus melancarkan kempen anti PTPTN. Riuh gegar anak muda ini turut memberi saham publisiti buat sketsa BERSIH 3.0 kali ini. Akhirnya pula BERSIH 3.0 yang dimomok sebagai inisiatif 'Ambiga' mendapat liputan percuma setiap malam dan ini telah menambahkan keinginan anak muda untuk berpartisipasi dalam proses memulihkan ruang demokratik di negara ini.

Buku ini menggabungkan pelbagai penulis dengan latar belakang berbeda, bahkan pengalaman yang berbeza, menghimpun pengalaman yang diperoleh dan menuangkannya di atas lembaran-lembaran kertas untuk dikunyah oleh pembaca. Pengalaman adalah untai ilmu yang dihirup seumur hidup, tanpa jemu dan lelah terus mengejar manusia. Ia juga adalah guru yang paling berharga, maka atas justifikasi inilah, mengapa penerbit merasakan pengalaman mahal ini wajib dirakamkan untuk tatapan generasi akan datang.